



14. september 2015

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit tarnip pissusaanut immikkut ilisimasallit pillugit:

Peqqinnissaqarfiup aqunneqarnera, aaqqissuussaana kiisalu peqqinnissamut tunngasutigut sullissit aamma tarnip pissusaanik ilisimasallit pillugit Inatsisartut inatsisaat nr. 27, 18. november 2010-meersoq

1. **"Peqqinnissaqarfiup aqunneqarnera, aaqqissuussaaneq kiisalu peqqinnissamut tunngasutigut sullissit aamma tarnip pissusaanik ilisimasallit pillugit Inatsisartut Inatsisaat nr. 27, 18 novemberimeersoq naapertorlugu Naalakkersuisut, takuuk § 3 imm. 2 aamma § 4 Tarnip pissusaanut immikkut ilisimasallit pillugit malittarisassi-orsinnaagaluarput, kalaallit nunaanni akuersissuteqarneq pillugu inatsimmut taarsiullugu. Naalakkersuisut taamaattunik malittarisassiornerminni sumummita killippat?**
2. **Naalakkersuisut pilersaaruteqarnerlutik Kalaallit Nunaanni tarnip pissusaanut immikkut ilisimasallit kalaallit akissarsiaat atorfeqarnerminnnilu atugaat assigiis-sarniarlugit?**
 - a. **Aappimik akisoqarpat, taava suliap tamatuma naammassinissaa qaqugu naatsorsuutigineqarpa?**
 - b. **Naamimik akisoqarpat, eqqarsaatigineqarsinnaanerluni Naalakkersuisut suliaq qaqissagaat eqqarsaatigiumallugu?**
3. **Naalakkersuisut aamma pilersaaruteqarnerlutik nakorsaannngitsut peqqissaasartut pillugit malittarisassiornissaminnut taakku pisussaaffii akisussaaffiilu eqqarsaatigalugit kiisalu napparsimasut pisinnaatitaaffii malaarnissaminnullu pisinnaatitaaffeqarneri?**

(Inatsisartunut ilaasortaq Randi Vestergaard Evaldsen, Demokraatit)



Tunngavilersuut

Maani Kalaallit Nunaanni inuttut ajornartorsiutit sakkortuumik akiorneqarput, meeqqat atorerlunneqarput sumiginnarneqarlutillu aamma ikiortissaq nassaariuminaassinnaasarpoq. Amerlaqisut inersimasunnngortarput meeraallutik misigisatik sakkortuut suliarinngitsoorlugit taamaattumik ajornartorsiutit ingerlateqqinneqartarput, ajortullu uteqattaaginnersarput, atorerluinerit kinguaariit tulliitut ingerlateqqinneqartarlutik. Peqataanik tarnip pissusaanut immikkut ilisimasalinik annertuumik amingaateqarpugut, innuttaasunik pineqartunik annertuumik ajornartorsiutininik, inuiaqatigiinnillu artorsartitsisunik katsorsaasinnaagaluartunik.

Pisortat tungaanniik peqqinnissaqarfik tiguneqarmalli - Demokraatini isumarput naapertorlugu - naammattumik iliuuseqartoqarnikuunngilaq tarnip pissusaanut immikkut ilisimasasllit pitsaasunik assigiinnillu akissaateqartinniarlugit - taamatullu sulinerminni atugaqartinniarlugit, taamaattumik arlaleriarluni misilinneqartarnikuugaluarpog immikkoortumi pissutsit pitsanngorsarniarlugit.

UKA2009-mi ataatsimiinnermi assersuutigalugu siunnersuutigineqaraluarpoq Naalakkersuisut siunnersuuteqassasut tarnip pissusaanut immikkut ilisimasasllit pillugit inatsisissamik, imaqartusamik malittarisassanik taaguutip illersorneqarnissaanut, akuersisarnermut kiisalu tarnip pissusaanut immikkut ilisimasasllit pisinnaatitaaffiitut pisussaataaffiinnullu tunngasunik. Siunnersuummi aamma kissaatigineqarpoq malittarisassiuunneqassasog oqartussaaffik sorleq akuersissutininik tunniussisarluunilu nakkutilliisuusassanersog.

Siunnersuutip kinguneranik akuersissutigineqarpoq inatsit "Peqqinnissaqarfiup aqunneqarnera, aaqqissuussaaneq kiisalu peqqinnissamut tunngasutigut sullissisut aamma tarnip pissusaanik ilisimasasllit pillugit Inatsisartut Inatsisaat nr. 27, 18 novemberimeersog" tassani Naalakkersuisut pisinnaatitaalerput tarnip pissusaanut immikkut ilinniarsimasut aamma peqqinnissaqarfimmi sulisut pillugit malittarisassiornissaminnut aamma ilanngullugit taaguutip illersorneqarnissaanut malittarisassat, pisussaaffiit, napparsimasut pisinnaatitaaffii, nakkutilliineq aamma pissutsit allat tarnip pissusaanut immikkut ilisimasasllit sulinermut pingaaruteqartut aamma allat peqqinnissaqarfimmi sulisut sulinerannut.



Malittarisassalli nassaassaangillat, naak inatsit atulermalli ukiut tallimat ingerlareeraluartut. Taamaattumik naatsorsuutigaara malittarisassat tamanit pissarsiarineqarsinnaangitsut imaluunniit ulloq mannamut sulii sananeqarsimanngitsut.

Ullumikkut tarnip pissusaanut immikkut ilisimasallit kalaallit atorfinitsinneqartarput isumaqatigiissutit assigiinngiaartut tunngavigalugit, tamatuma kinguneranik akissaatit assigiinngitsuusarput - aamma sulinermit atukkat. Tarnip pissusaanut immikkut ilisimasallit pisortaqaqfinni atorfillit namminersortuni atorfinitsinneqartartunut naleqqiullutik akissarsialunnerusarput, taamaattumik tarnip pissusaanut immikkut ilisimasallit amerlasuut allamut ingerlaqqittarput, allami atorfittarlutik imaluunniit tarnip pissusaanut immikkut ilisimasalittut namminersortunngortarlutik. Tamatuma nassatareqqittarpaa pisortaqaqfinni tarnip pissusaanut immikkut ilisimasalittut atorfiit inuttasaqartinneqartannginneri taamaattumik pisortat tarnip pissusaanut immikkut ilisimasalinnik atorfinitsitsisariaqartarput immikkut isumaqatigiissuteqarnikkut, suliasarpassuarnik sulii suliarineqanngitsunik suliaqaqqullugit, tamatuma kingunerisarpaa pisortat aningaasartuuteqarnerusariaqartarnerat. Eqqarsarpunga Naalakkersuisut ajornartorsiut tamanna ilisimassagaat aamma pingaartikkaat, taamaattuminguna uku apeqquutit saqqummiukkikka.

Kalaallit Nunaanni tarnip pissusaanut immikkut ilisimasalinnik amingaateqarnerujussuaq pisutaalluni nakorsaangitsut peqqissaasartut atorluarneqalersimapput, suliaqartarlutik anner-tuumik innuttaasut allamut saaffissaqanngitsut ikiorniarlugit. Taamaattumik aamma paaserusuppara Naalakkersuisut pilersaaruteqarnerusut nakorsaangitsut katsorsaasartut malittarisassiuunnissaannut, innuttaasut pisinnaatitaaffiit aamma maalaarfissaqarnissaat qularnaarumallugu aamma qularnaarumallugu nakorsaangitsut katsorsaasartut akisussaassuseqarlutik sulisarnissaat.

Apeqquutit akeqquneqarput ullut sulliviit naliginnaasut qulit iluanni.